

SCRIPT OF MORNING GOJRI NEWS BULLETIN 23JUNE 1015 HRS

مارننگ گو جری نیوز بلیٹن مورخہ 23 جون 2025

یوہ آکا شوانی جموں ہے عبیدالرحمان تیں خبر سُنو۔

CM TOURISM

وزیر اعلیٰ عمر عبداللہ نے کہوی ہے کہ کشمیر غے اندر سیاحت غی بازیابی ایک خوش آئندہ گل بے موصوف نے یاه گل پہلگام غا اپنا حالیہ دورہ تیں بعد کہی ہے اُنہاں نے کہیو کہ پہلگام سیاحتی مرکز ور اس وقت ملک غا بکھ بکھ حصاں تیں سیاح سیرو تقریح خاطر آریا ہیں تے مقامی لوک وی پہلگام غا ٹھنڈا موسم تے سینویں بارشاں تیں لطف حاصل کرریا ہیں سماجی میڈیا پلیٹ فارم ور اپنا خیالات غو اظہار کرتا مانہہ جناب عمر عبداللہ نے کہیو کہ پہلگام سیاحتی مرکز ور سیاحت غی بحالی سرکار غی مسلسل کوششاں گو نتیجہ ہے کشمیر غے اندر اس سال 22 اپریل نانہہ بائیسراں مانہہ ہویا دہشت گرد حملہ مانہہ 26 افراد غی موت واقعہ ہوگئی تھی جس نال کشمیر مانہہ سیاحت نانہہ کافی نقصان ہوو لیکن حالیہ دنان مانہہ سیاحاں غی بدھتی تعداد نال کشمیر غے اندر سیاحت شعبہ ترقی غی راہ ور گامزن ہے۔

DY CM ROADS

نائب وزیر اعلیٰ سریندر چودہری نے جموں کشمیر غی معشیت مانہہ سیاحت ناہہ ریڑھ غی ہڈی نال تشعب دتی تے کہیو کہ سیاحت غی ترقی سرکار غے ترجیحات مانہہ شامل ہے اُنہاں نے کہیو کہ سرکار سڑک رابطاں تیں علاوہ سرحدان ور حفاظتی صورتحال تیاتریاں وستے بہتر انتظامات کرریا ہے اُنہاں نے کہیو کہ جموں گے اندر کئی سیاحتی مقامات غی ترقی ور توجہ دتی جارہی ہے موصوف نے عوام تیں اپیل کی کہ وے سڑکاں غی صورتحال متعلق سوشل میڈیا غے ذریعے شکایت درج کریں۔

OP SINDHU

خارجہ امور گا وزیر مملکت پابترا مارگریٹا نت گزشتہ شام خصوصی پرواز غے ذریعے ایران غا ماشاہاد ہوائی اڈہ ور ں بھارتی شہریاں غا 285 افراد ور مشتمل جھتا غو دہلی ہوائی اڈہ ور استقبال کی وتے اُن ناہہ خوش آمدید کیو موصوف نے کہیو کہ آپریشن سندھو غے تحت اس وقت تک ایران تیں 1713 باہرتیہ شہریاں نانہہ با حفاظت واپس آئیو گیو ہے اُنہاں نے مزید دسیو کہ آئندہ دو دنان مانہہ 2 تیں 3 مزید پروازاں غے ذریعے باقی بھارتی شہریاں نانہہ ایران تیں واپس آئیو جے غو موصوف نے کہیو کہ وزارت اس وقت ایران تے اسرائیل مانہہ مقیم تمام بھارتی شہریاں نال لگاتار رابطہ مانہہ ہے۔

HEALTH SECTOR AMARNATH

شریامرناتھ یاترا غی تیاریاں غا جزہ خاطر سیکرٹری برائے صحت ڈاکٹر سید عابد رشید شاہ نے پہلگام مانہہ طبیعی سہولیات غو جائیزو لیو موصوف نے نن وان بنیادی کیمپ سب ضلع ہسپتال پہلگام تے چندرواری مانہہ 100 بستران آلا ہسپتال مانہہ طبیعی سہولیات گو جائیزو لیو سیکرٹری موصوف نے کئی اعلیٰ افسراں غے ہمراہ متعلقہ طبیعی عملہ نانہہ ہر وقت طبیعی سہولیات دستیاب رکھن ضروری ادویات تے مرحلہ وار طبیعی ٹیمیں غی تعیناتی نانہہ یقینی بنان

ور زور پایو۔ موصوف نے سالانہ امرناتھ یاترا غے دوران ہر یاتریاں غی حفاظت غا ہر ممکن اقدام کرن غی ہدایت کی۔

DC JAMWAL MOSOON

ڈپٹی کمشنر جموں سچن کمار ویشیا نے پولیس محکمہ گا اعلیٰ افسراں سیلاب ور قابو پان آلا محکمہ پی ایچ ای، پی ڈبلیو ڈی تے صحت محکمہ گا کئی افسراں غی میٹنگ طلب کرغے ائیندہ برسات غا موسم وستے بکھ بکھ محکماں غی طرفوں کی گئی تیاریاں غو جائیزو لیو اس دوران موصوف نے سیلابی صورتحال نال نبڑن وستے کیا گیا انتظامات تیں علاوہ مشیزی وستے کیا گیا انتظامات تیں علاوہ مشیزی تے ہنگامی صورتحال نال نبڑن وستے تیار ٹیمیاں غو جائیزو لیو ڈی سی موصوف نے اس گل ور زور پایو ہے کہ تمام تر پروجیکٹ ویلے سرے مکمل کیا جنیں تے بکھ بکھ محکماں غا آپشی تال میل کسے وی صورتحال نال نبڑیو جے اُنہاں نے کہیو کہ جن علاقیاں مانہہ سیلابی صورتحال مانہہ زیادہ نقصان گو اندیشو ہے اُن غی نشاندہی کی جے تے صحت محکمہ غی ٹیم تیں علاوہ امبیولینس سہولیات وی دستیاب رکھی جنیں اس تیں علاوہ عوامی حفاظت خاطر کنٹرول روم قائم کیا جنیں تے سیلابی صورتحال مانہہ حفاظتی ترکیبیاں متعلق عوامی بیداری مہم غے تحت بیداری عام کی جے۔

DC RAJOURI VISIT

ضلع ترقیاتی کمشنر راجوری ابھیشیخ شرما نے گزشتہ شام ڈونگی بلاک غا ایک سرحدی گراں گو دورو کیو تانجے اُت غی عوام نانہہ درپیش مشکلات غو ازالو کیو جاسکے اس دوران مقامی لوکاں نے سڑک رابطاں تیں علاوہ بجلی پانی طبعی سہولیات تے تعلیمی نظام متعلق حدشات تے شکایات ڈی سی موصوف غے سامنے رکھی اس دوران موصوف نے تمام تر معاملات ور موثر کاروائی غی یقین دہانی کرائی ایچ اے ڈی پی اسکیم غے تحت فائدو حاصل کرن آلا افراد نال وی ڈی سی موصوف نے گل بات کی تے اس سلسلہ نانہہ مزید ترقی دین ور زور پایو گیو ڈی سی موصوف نے کئی اعلیٰ افسراں غے ہمراہ عوام نانہہ انتظامیہ غی طرفوں ہر ممکن مدد کرن غی یقین دہانی کرائی مقامی لوکاں نے ڈی سی موصوف گا اس قدم ور شکریو وی ادا کیو۔

PMFME RAMBAN

پی ایم ایف ایم ای غے تحت رام بن مانہہ محکمہ باغبانی منصوبہ بندی تے خرید و فروخت شعبہ غی طرفوں مقامی کاروباریاں کساناں تے نوجواناں خاطر بیداری ورکشاپ غو انعقاد کیو گیو اس دوران مذکورہ افراد نانہہ فلاحی اسکیم غا فائداں متعلق بیدار کیو گیو۔
